



Inatsisartunut ilaasortaq Karl Lyberth, Siumut  
/Maani

**Aalisarsinnaanermut akuersissutit pillugit § 37-kut apeqqutit nr. 224-2012-imeersunut akissutit.**

15. oktober 2012  
Suliap nr. 2012-074681  
All.Upp.Nr. 1033035

Inatsisartut suleriaasianni § 37, imm. 1 naapertorlugu aalisarnermut akuersissutit pillugit apeqqutinik saqqummiussimavutit. Apeqqutit uannut akisassanngorlugit innersuussutigineqarsimapput.

Postboks 269  
3900 Nuuk  
Oqa. (+299) 34 50 00  
Allak. (+299) 34 63 55  
E-mail: apnn@nanoq.gl  
www.nanoq.gl

**Apeqqut.**

*"Inuussutissarsiutigalugu aalisartut piniartullu atuuttumik uppersaatillit qinnuteqaamminnik tunniussigunik, saarullinnik aalisarnissamut akuersissummik ingerlaannartumik tunineqassappat?"*

**Apeqqummut akissutit.**

Naamik, saarullinnik aalisarsinnaanermut akuersissutit inuussutissarsiutigalugulu piniarsinnaanermut allagartanut tunineqarsinnaaneq sioqqullugu assigiinngitsunik piumasaqaateqaqqaartoqartarpoq:

Qinnuteqartoq, inuussutissarsiutigalugu piniarnermut allagartamik pissarsiortoq Piniarnermut aallaaniarnerlu pillugit Inatsisartut inatsisaat nr. 12, 29. oktober 1999-meersoq, kingullermi Inatsisartut inatsisaat nr. 1 16.maj 2008-meersumit allanngortinneqarsimasoq, aammalu Namminersorlutik Oqartussat nalunaarutaat nr. 18, 9. oktober 2012-meersoq tunngavigalugit piumasaqaatit makkua naammassisimassavai:

1. Qinnuteqartoq aalajangersimasumik inuiaqatigiinnut kalaallinut attaveqassaaq.
2. Qinnuteqartoq ukiuni marlunni kingullerni kalaallit nunaanni inunnik nalunaarsuisarfimmi nalunaarsorsimassaaq.
3. Qinnuteqartoq ukiuni kingullerni marlunni Kalaallit Nunaanni akileraarusigaasimassaaq.
4. Qinnuteqartoq aamma aalisarnermiit aallaaniarnermiit piniarnermiillu minnerpaamik 50 %-mik tamakkiisumik aningaasarsiaqarsimassaaq. Angallammik aalisarnermit aningaasarsiat tamakkiisut, angallatip uuttortarneranut allakkat naapertorlugit 150 BRT imaluunniit 210 BT sinnerlugit angissusilimmit, piniarnermit, aalisarnermit aallaaniarnermiillu aningaasarsiat tamakkiisut naatsorsuinermit ilanngunneqarsimanngillat.

Saarullinnik aalisarnermut akuersissummut tunngatillugu qinnuteqartoq, akuersissut pillugu pissarsiortup Aalisarneq pillugu Inatsisartut inatsisaat nr. 18, 31. oktober 1996-meersoq aammalu Aalisarsinnaanermut akuersissutit pisassiissutillu pillugit Namminer-

sorlutik Oqartussat nalunaarutaat nr. 1, 2. februar 2012-meersoq tunngavigalugit piumasaaqatit makku naammassisimassavai:

1. Qinnuteqartoq aalajangersimasumik inuiaqatigiinnut kalaallinut attaveqassaaq.
2. Qinnuteqartoq ukiuni marlunni kingullerni kalaallit nunaanni inunnik nalunaarsuisarfimmi nalunaarsorsimassaaq.
3. Aamma qinnuteqartoq ukiuni kingullerni marlunni Kalaallit Nunaanni akileraarusigassaaq.

Tamakkua saniatigut makkuninnga piumasaaqateqarpoq, tassa qinnuteqartut, saarullinik aalisarsinnaanermut akuerissutit pillugit qinnuteqartunut, ukiup siuliani taassuma assinganik aalisarsinnaanermut akuersissuteqarsimasunut taassuminngalu atuisimasunut qinnuteqartoqarneratigut tunniunneqartarpoq.

Taamaattoqli qulaani eqqaaneqartunut atatillugu ilanngunneqassaaq, inunnut siusinnerusukkut akuersissuteqarsimasunut kisiannili immikkut ittut pissutigalugit taassuminnga atuinissaminut periarfissaqarsimanngitsunut, immikkut akuerineqarnissamut periarfissaqarmat.

Taanna assigiinngissut pissutigalugu, piumasaaqatit sorliit naammassineqassanersut eqqarsaatigalugu, qinnuteqaatit qulaani eqqaatut immikkut tamarmik suliarineqartarput.

Inussiarnersumik inuulluaqqusillunga  
Med venlig hilsen

Ane Hansen